



3469

Broj: 06-11-8015/22-6
Ilidža, 02.03.2023. godine

Na osnovu člana 70. Zakona o javnim nabavkama ("Službeni glasnik BiH", broj 39/14 i 59/22), te postupajući po Rješenju Ureda za razmatranje žalbi Filijala Mostar broj: JN2-03-07-1-236-10/23 od 23.02.2023. godine, općinski načelnik donosi:

ODLUKU

**o poništenju Odluke o izboru najpovoljnijeg ponuđača Liv-S d.o.o.
broj 06-11-8015/22-4 od 04.01.2023.g. i
o izboru najpovoljnijeg ponuđača za javnu nabavku broj 143/22 Nabavka cisterne za pitku vodu**

I

Poništava se Odluka o izboru najpovoljnijeg ponuđača broj 06-11-8015/22-4 od 04.01.2023.g. kojom je ponuda ponuđača Liv-S d.o.o., Visoko proglašena najpovoljnijom u otvorenom postupku javne nabavke "Nabavka cisterne za pitku vodu".

II

Ugovor o javnoj nabavci cisterne za pitku vodu dodjeljuje se ponuđaču Mipex auto RS d.o.o. Banja Luka, čija cijena ponude iznosi 249.500,00 KM bez PDV-a.

III

Izabrani ponuđač iz tačke II ove odluke, obavezan je u roku od 7 (sedam) danam od dana prijema ove odluke, Ugovornom organu dostaviti uvjerenja iz člana 45. stav 2 tačka a), b), c) i d) Zakona o javnim nabavkama.

IV

Po pravosnažnosti ove Odluke, ugovorni organ će pozvati izabranog ponuđača radi zaključenja ugovora o nabavci kojim će se regulisati međusobna prava i obaveze vezane za predmetnu nabavku shodno zahtjevima - uslovima ugovornog organa navedenim u tenderskoj dokumentaciji i zakonskim propisima.

V

O isplati troškova žalbenog postupka, ugovorni organ će donijeti poseban zaključak.

VI

Ova Odluka dostavit će se ponuđačima koji su učestvovali u postupku javne nabavke i objavit će se na web stranici ugovornog organa u skladu sa članom 70. stav (6) Zakona o javnim nabavkama.

Obrazloženje

Na osnovu Odluke o pokretanju postupka broj 06-11-8015/22-1 pokrenut je otvoreni postupak javne nabavke **JN 143/22 "Nabavka cisterne za pitku vodu"**.

Procijenjena vrijednost javne nabavke bez PDV-a iznosi: 249.500,00 KM.

Obavještenje o nabavci broj 888-1-1-281-3-237/22 objavljeno je dana 24.11.2022. godine na Portalu javnih nabavki.

Ponude su blagovremeno dostavili ponuđači Mipex auto RS d.o.o. Banja Luka i Liv-S d.o.o. Visoko.

Komisija za javne nabavke je izvršila pregled i ocjenu pristiglih ponuda i utvrdila da su oba ponuđača ispunili uslove iz tenderske dokumentacije odnosno da su dostavili tražene dokaze.

Nakon izvršenog pregleda i ocjene ponuda, zakazana je e-aukcija na dan 30.12.2022.g.

Nakon provedene e-aukcije a na osnovu kriterija "najniža cijena," utvrđena je konačna rang lista ponuđača kako slijedi:

1. Liv-S d.o.o., čija cijena ponude bez PDV-a iznosi 202.000,00 KM
2. Mipex auto RS d.o.o., čija cijena ponude bez PDV-a iznosi 204.750,00 KM

Nakon provedene e-aukcije a na preporuku Komisije za javne nabavke, općinski načelnik je dana 04.01.2023. donio Odluku izboru najpovoljnijeg ponuđača Liv-S d.o.o. za predmetnu nabavku.

Na navedenu Odluku, ponuđač Mipex auto RS d.o.o. je izjavio žalbu, koju je općinski načelnik sa izjašnjenjem i kompletnom dokumentacijom, u skladu sa članom 100. stav (5) Zakona o javnim nabavkama prosljedio Uredu za razmatranje žalbi na nadležno postupanje

Ured za razmatranje žalbi rješavajući po žalbi Mipex auto RS d.o.o. broj 108-1/2023 od 24.01.2023.g. izjavljenoj na Odluku o izboru najpovoljnijeg ponuđača Liv-S d.o.o., br. 06-11-8015/22-4 od 04.01.2023.g., donio Rješenje broj JN2-03-07-1-236-10/23 od 23.02.2023., kojim je usvojena žalba žalioaca Mipex auto RS d.o.o., poništena Odluka broj 06-11-8015/22-4 od 04.01.2023.g. i predmet vraćen ugovornom organu na ponovni postupak.

Ured za razmatranje žalbi je u Rješenju broj JN2-03-07-1-236-10/23 od 23.02.2023. **ocijenio prvi žalbeni navod kao osnovan** navodeći, između ostalog, *da izabrani ponuđač nije dostavio tehničke karakteristike proizvođača za ponuđeni model Volvo FL 280HP 4x4 iz kojih bi se moglo nesporno utvrditi da li odgovaraju tehničkim specifikacijama propisanim tenderskom dokumentacijom, nego katalog u kojem postoji mogućnost izbora između različitih opcija tako da se u samim specifikacijama navodi: „Napravite svoj Volvo FL". Iz dostavljenog kataloga nisu jasno vidljive sve tražene karakteristike vozila, jer je ponuđač dostavio uopšteni katalog u kojem nije ni označio eventualne modele ili tehničke karakteristike koje posjeduje model koji nudi, te da je izabrani ponuđač na str. 26.-27. dostavio tehničke podatke za ponuđeni model cisterne i vozila, međutim navedeni dokument nije u skladu sa napomenom iz Obrasca za cijenu ponude, jer ne predstavlja tehničku specifikaciju proizvođača.*

Ured za razmatranje žalbi je, dalje u gore navedenom Rješenju **prihvatio i navod žalioaca** koji se odnosi na to da odabrani ponuđač nigdje u tehničkim karakteristikama nije dostavio podatak da ponuđeno vozilo posjeduje izvod snage iz mjenjača.



Stav Ureda je da se iz dostavljenog kataloga ne može utvrditi da li ponuđeni model ispunjava postavljene uslove izvod snage iz mjenjača, jer se na stranici 31. kataloga nalaze podaci za osam različitih tipova mjenjača, pri čemu izabrani ponuđač na dostavljenom katalogu nije označio tip mjenjača kao ni ostale tehničke podatke koje posjeduje tip vozila koji on nudi, kao i da izabrani ponuđač na str. 25.-26 u tehničkim karakteristikama za ponuđeni model nije naveo da vozilo posjeduje traženu karakteristiku izvod snage iz mjenjača.

U daljem tekstu svog Rješenja, Ured za razmatranje žalbi je **ocijenio osnovanim** i navod žalioca da u ponudi izabranog ponuđača postoje određene nepravilnosti, odnosno da nije navedeno koje maglenke će biti isporučene, kao i to da je izabrani ponuđač ponudio promjer pomoćne armature za uzimanje vode 34 a zahtijevano je ¾. Ured je utvrdio da iz dostavljenog kataloga nije moguće utvrditi da li ponuđeni model posjeduje opremu koja uključuje prednje maglenke, te konstatuje da izabrani ponuđač nije ni na str. 25.-26 u tehničkim karakteristikama za ponuđeni model naveo da vozilo posjeduje prednje maglenke, naveo je samo maglenke.

U skladu sa stavovima Ureda za razmatranje žalbi, kojih se ugovorni organ pridržavao u ponovnom postupku, utvrđeno je da je ponuda ponuđača Liv-S d.o.o. nepravilna i da ne ispunjava uslove iz tenderske dokumentacije zbog čega se ista odbacuje u skladu sa članom 68. stav (4) tačka i) ZJN. U predmetnom postupku utvrđeno je da je jedna ponuda, i to **ponuda Mipex auto RS d.o.o. prihvatljiva**, te se ugovor dodjeljuje na vrijednost iz pisane ponude navedenog ponuđača koja iznosi 249.500,00 KM bez PDV-a.

Cijeneći naprijed navedeno odlučeno je kao u dispozitivu ove Odluke.

POUKA O PRAVNOM LIJEKU

Protiv ove Odluke može se izjaviti žalba u roku od deset dana od dana prijema odluke. Žalba se izjavljuje URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

DOSTAVLJENO:

1. Liv-S d.o.o. Visoko, Zanatski centar „Sebilj 2” bb, Visoko
2. Mipex auto RS d.o.o., ul. Miloša Crnjanskog 55, Banja Luka
3. Služba civilne zaštite
4. Kabinet Općinskog načelnika
5. Služba za zajedničke poslove (za objavu na WEB stranici)
6. a/a

Izradila: Enisa O.M.

Kontrolisali: Nerma B.

Benjamin M.

